

明

史

明史卷三百七十七

忠義傳

忠義二

王冕字服周洛陽人也第正德十二年進士除萬安知縣寧王宸濠反列城長吏多奔竄冕急募壯士從王守仁攻復南昌己宸濠還兵鄱陽官軍戰不利冕獻火攻之策賊兵大敗宸濠窘急易小舟攜宮女四人遁冕卻卒掉漁舟追及之宸濠知不免自投於水水淺不死并宮女執送冕所宸濠問冕何官曰我萬安知縣也曰賴汝救免當酬以高官猶不自知被擒也功未及叙坐他事落職世宗踐阼錄前功擢兵部

主事巡視山海關嘉靖三年十二月遼東妖賊陸雄  
李真等作亂突入關從吏欲扶冕出走冕不可曰吾  
有親在走安之急趨母所執兵以衛俄賊至母被傷  
冕奮前救之遂被執賊脅以白刃冕大罵遂見害詔  
贈光祿少卿有司祠祀同時龔諒為德平知縣世宗  
嗣位之歲寧津盜起轉掠至德平諒率吏民禦之力  
屈被殺贈濟南府通判恤其家

李允簡字可大融縣人曾祖芳祖序皆進士芳雲南  
右布政使序吏科給事中父鏞舉人允簡舉嘉靖十  
六年鄉試以會試乙榜歷澧川夷陵二州學正除內

江知縣公廉自將縉紳請寄無所得歲大旱徒步禱  
赤日令中兒童歌曰旱既太甚治非其人寧禍其身  
勿病其民三日霖雨沾足學士茶陵張治從吏部乞  
為州守乃擢茶林知州至則均徭賦剔奸蠹豪民歛  
跡秩滿當遷治時居內閣復言于吏部乞再留一年  
俟黃冊之成部從之踰朞始改雲南府同知攝潞江  
府事吏事精練豪家奪民產者斷歸之民擢恩州知  
府孤城多寇遣其掣歸獨與孫炳文居會銅仁築城  
上官以命乞簡暨城成還任五日麻陽苗龍許保等  
偽為哨兵突入城殺掠乞簡與炳文皆被執留二日

劫以歸巢苗每執長吏必求厚贖上官幸朝廷不知  
也率許之以為常允簡謂天子命吏為賊劫質何面  
目復臨士民傳語守將石邦憲亟進兵勿以我為念  
邦憲不應乃自出盤山關至嶺塞崖高水深遂自投  
下賊驚共拽之出氣息僅屬棄之塗而去思人昇還  
至清浪衛遂卒時嘉靖三十年四月也事聞詔贈貴  
州按察副使賜祭葬官其一子

陳開詩字廷訓柘城人嘉靖中舉于鄉以親老絕意  
仕進親沒居喪哀毀三十二年秋賊師尚詔陷歸德  
聞開詩名約克城必生致之劫以為帥已而賊衆擁

聞詩至誘之百端不在賊于聞詩前引家屬數人斬之曰不從且盡滅而族聞詩知不可脫終曰必欲吾行毋殺人毋縱火賊許諾輒以行聞詩遂不食二日至鹿邑自經死董倫歸德府檢校也尚詔入歸德知府及守衛官皆遁倫率民兵巷戰被執盡死猶手刃數賊妻賈氏及僮僕皆從死詔贈聞詩鳳陽同知倫歸德同知並立祠死所

王鈇字德威順天人也僮蕩有才畧舉嘉靖二十九年進士授常熟知縣縣濱海多大猾匿亡命作奸竊檄鈇捕之鈇曰網疎則魚漏絕急則鷹鷂捕之非便

遂下令招之。悉貸其罪。俾爲己用。已而倭患起。鉄召諸猾語之曰。爾輩罪當死。吾延爾命。以有緩急也。倘一旦寇來。爾輩何以報我。咸叩首曰。願効死。于是立爲耆長。俾部署子弟得數百人。令邑中防卒。日夕訓練。縣故無城。鉄議城之。甫興。役賊突入福山港。且來犯。人情恟懼。鉄誓以死禦。會主簿蒼頭遇賊射殺。三人賊驚而宵遁。鉄乃躬自課役。三月而城成。三十三。年四月。賊來薄城。矢石交下。賊引却。鉄曰。賊未創也。而遽去。其懈我乎。繕守具。待之。詰旦。賊果至。鉄出圍道邀擊。殺數人。賊乃潰走。明年四月。賊自三丈浦分。

掠常熟江陰泰政任環督王兵千餘金鉞與指揮毗  
蘇分統官兵三千進攻其寨破之斬首百五十有  
奇焚其舟二十七艘溺死無算餘賊奔江陰時邑人  
錢泮以泰政里居忍賊藝其父柩日以殲賊為念賊  
之攻城也從鉞乘城拒守耦而射有却賊功及是賊  
掠旁縣方舟由尚湖還海鉞憤曰賊尚敢涉吾地耶  
吾不能坐令得志去必擊之泮亦力從吏乃召諸耆  
長各率所部揚小艇數十追躡賊賊偵官軍入隘中  
出不意兩岸夾擊時獨耆長數人從鉞前諸健兒  
皆在後數人者力鬪死鉞陷淖中不得出怒髮上指

瞋目大呼而賊刃已刺腹中遂死泮亦力戰身被數  
鎗猶手刃三賊與鉄俱死時三十四年五月二十有  
四日也泮字鳴教舉進士歷侯官慈谿知縣遷刑部  
主事員外郎郎中出為順慶知府進陝西副使江西  
左叅政所至並著能聲至是殉難詔贈泮光祿卿鉄  
太僕少卿並廕錦衣世百戶遣官諭祭且立祠死所  
歲時奉祀

錢鐸字鳴叔鍾祥人嘉靖二十九年進士除江陰知  
縣時倭寇初熾鐸至即繕城濬濠為守禦計三十三  
年倭果入犯鄉民奔入城者萬計兵使王崇古不納

鐸曰守城以為民耳遠邇皆吾民民死不救守此空  
城奚為遂開門縱入而身自搏戰于斜橋三戰却之  
明年六月倭復進據蔡涇關分衆犯塘頭鐸城上見  
賊刈稻急提狼兵出擊戰于九里山時已薄暮雷雨  
大作賊伏四起狼兵悉奔鐸率民兵力戰盡死于賊  
同時唐一本為崇明知縣縣建新城成一本決計徙  
居為千戶高才翟欽所沮未幾倭寇突入一本且戰  
且罵諸梗議者遂為亂軍所殺以陣亡聞久之其事  
始白與鐸並贈光祿少卿建祠致祀鐸世廕錦衣百  
戶一本廕國子生

孫鏜荊州人負氣不羈精武事嘗為吏以不得志棄  
去挾背商吳越間嘉靖三十三年倭擾松江鏜謁郡  
守自陳願戮力賊賊輸資佐軍守嘉其志見之泰政  
翁大立試之藝超絕等倫所佩雙刀運若飛衆莫能  
舉大立喜甚手舉酒觴之以為得鏜冠不足賊也會  
兵備任環窘于賊鏜望見馳冒賊圍出環賊駭散鏜  
知官兵不足用遣人還荊括其家資悉召平日所結  
里中兒為己爪牙于是吳中父老咸倚鏜如長城鏜  
益自恃有輕敵心無何賊舟渡泖漸鏜拔袂起曰是  
可威而擒也突出賊後奮擊賊兵多不可敗鏜酣戰

竟日矢盡強絕後援不至還至石湖橋半渡遇伏猝  
起鏖矢足墮水賊舟四集群刺其腹遂死有司以禮  
收塋詔贈光祿署丞錄其一子有范希雲者秀水人  
也為諸生負氣喜讀兵書嘗語人曰吾以七寸管與  
黃口兒爭長何如伏三尺劍策馬萬軍中取上將頭  
乎會倭寇入犯所司簡兵授甲俾材武士將之希雲  
請獨當一面遂授先鋒督所部禦寇于平湖出奇設  
伏屢破之追至白馬堰接戰三日夜所殺傷軍當以  
援兵不繼陷陣死年二十有六又有姚長子會稽人  
嘉靖三十四年倭自諸暨入掠獲長子貫其肘使為

渠長子乃紹之而密語鄉人曰俟我誘賊過橋若等亟撤之賊入絕地可悉擒也我死不恨已而賊至化人壇四面皆水賊欲出不得而官軍又截其後賊知為所紹殺長子劉其屍而賊百三十餘人盡為官兵所殲無一脫者鄉人感其義立祠或所祀之

朱袞字崇晉耶西人嘉靖中舉于鄉署華縣教諭事尋遷武功知縣抑豪強祛積弊閭中稱為鈇漢遷楊州府同知民遮道留者萬人佐楊州一歲上下胥服吏無敢索民一錢已而倭賊入犯袞部署民兵擊敗之于沙河殲其酋還所掠生口甚衆未幾賊復大至

薄城東門裛以為卧督兵奮擊伏發兵潰裛死焉三十五年十月巡按御史吳百朋上其事詔贈左叅政錄其一子同時有齊恩者官無為州同知倭寇流劫團山山北等港恩率舟師擊敗之斬首百餘級時從父仲實弟寶榮子尚文嵩從子慎寅友良大鄉八人俱在行嵩年十八尤驍勇善射獨前擊賊至安港恩等從之伏發被圍恩等及家衆二十一人俱力戰死惟嵩及慎寅三人獲全時嘉靖三十五年四月也事聞帝以恩舉家殉國贈光祿寺丞廕一子仍厚恤其家

杜槐字茂卿慈谿人也。僥游俠輕財好施。出身為吏。期滿以省祭歸。時倭寇蔓延槐家海濱。知禍將及。乃散家貲結壯士為保障。計會縣令其父文明為都長。令團結鄉勇槐傷父老以身任之。已而寇至槐父子部勒鄉兵追敗之王家園及橫塘諸處。海道副使劉起宗因以便宜委槐防守。餘姚慈谿定海三縣未幾遇寇于定海之白沙。一日戰十三合斬三十餘人。馘其一酋槐亦被數鎗墮馬死。時文明別將兵擊寇于鳴鶴場斬白紵帥一人俘獲甚衆寇驚遁稱為杜將軍。無何倭軍所部追寇至奉化楓樹嶺兵少無後。

援逆戰決嘉靖三十五年十月巡按御史趙孔昭以  
狀聞詔贈文昭府經歷槐光祿署丞有司立祠並祀  
歷槐子為國子生仝邑吳德四者海濱農夫也倭經  
其廬驅妻系德四自田歸遇于門揮鋤中其腦仆地  
死弟德六急取倭刀復追殺一酋兄弟遂以勇力聞  
隸槐部下每遇賊衝鋒拔幟以為常監司聞其名檄  
往舟山攻賊寨德四前攻賊渠寨中驚擾蹂而出懦  
卒盡追斃走賊斃德四踰德六奮呼曰兄死矣獨前  
斬其殺兄者後援不至亦死賊渠被賊寨不能守卒  
為官軍所破有魏鏡者亦慈谿人生有膂力善格鬥

倭犯慈谿知縣曹本率衆禦于鳴鶴場兵敗鏡奔奉  
脫走追者漸近語本曰賊追及必甘心于公今鏡反  
鬪公速匿他所鏡死公可以免于是奮勇衝殺數賊  
賊憤甚合圍擊之傷鏡額鏡猶瞋目力鬪竟死之令  
得遁去洒泣為文祭之

黃釗字珍夫安溪人由舉人歷官溫州府同知嘉靖  
三十四年倭寇來犯釗率衆擊之賊遁去釗知寇必  
復來日夜繕城郭清什伍誓以死守又三年倭果來  
至或勸釗嬰城固守釗曰四郭外非吾民耶而以委  
賊遂出城逆擊分軍為三釗將中軍其二軍帥皆統

誘子一軍軍壘石一軍軍錢場約中軍先進二軍繼  
發為後援及剗與賊遇賊陰遠其衆分掩壘石錢場  
軍而以銳卒當中軍剗發勁弩巨礮擊賊戰良久賊  
方不支而二軍帥望見賊至即棄軍走賊因合兵擊  
剗剗腹背受敵軍潰為賊所得脅之降不屈令以金  
贖剗且笑且罵曰愚賊爾不知黃大夫不愛錢耶賊  
怒裸而寸斬之其後子麟死不獲具衣冠招魂葬之  
事聞贈浙江布政司參議官其一子下有司建祠同  
將武暉漂水人為台州府知事三十一年倭賊陷黃  
岩趨郡城暉率民兵伏拘嶺下待之賊至射殺二人

餘賊驚遁。時勅所部追至釣魚嶺，力戰死。上官不以聞。其子尚寶訴于朝，下所司勘實，乃贈太僕寺丞，廕尚寶為國子生。

王德字汝修，永嘉人。嘉靖十七年進士，授東昌府推官。善決獄，父喪除起官。大名徵授戶科給事中，定國、公徐延德以無極諸縣閒田為業，且言私置莊田不當以災傷免賦。德抗疏劾之，俺答圍成都，屢陳軍國便宜。悉報可。時城門盡閉，鄉民避難者不得入，號呼之聲直徹西內。德以為言，民始獲入。寇退，命募兵山東，所得悉驍勇為諸道最。還朝，會李默新長吏部，德

謀刺稍倨卽出為嶺南兵備僉事又不善事上官嘗  
爭一獄與撫按不合投劾徑歸按臣奏其事時默復  
起為吏部猶以前憾落職閒住德鄉居情倭寇肆亂  
乃納母城中而傾貲募健兒為保障計三十七年四  
月寇自梅嶺登陸肆掠德偕族父沛督義兵擊之寇  
已宵遁俄一舟飄至王氏兵初疑漁舟不為備寇突  
來衝擊沛及族弟崇克崇修殲焉初特沛為強至是  
奪氣無何寇復至肆掠管頭蒲州諸處德憤起勅所  
部追襲至龍灣賊衆義軍寡守將又背約不救軍遂  
敗德手射殺數人罵賊而死然賊自是有所忌不敢

越德鄉倭郡城矣事聞贈太僕少卿世廕錦衣百戶  
立祠曰忠忠沛亦贈太僕丞立祠予廕

林威番禺人舉于鄉署左溪教諭博學善訓士遷惠  
安知縣嘉靖三十七年四月倭賊千餘人攻陷福清  
乘勢犯惠安咸率丁壯乘城拒守賊攻五晝夜不克  
下壯死者數百人賊亦頗有損失乃引去甫十日賊  
復來犯咸率衆擊之于鴨山乘勝逐北陷伏中力戰  
死贈泉州府同知賜祠任其一子賊之陷福清也執  
知縣葉宗文劫庫放獄囚掠子女千餘人焚官民廨  
舍舉人陳見率家衆禦之不克與訓導鄭中涵全被

執馬賊而死其陷興化也延平府同知奚世亮遭朱  
署府事賊圍城踰月世亮與武將分陴而守親冒矢  
石南城陷橋西向迎戰身被數鎗力屈死事聞贈右  
叅議廕子賜葬世亮字明仲黃岡人起家進士

汪一中字正叔歙人嘉靖二十三年進士由開封府  
推官累遷江西副使四十年隣境賊入寇薄泰和一  
中方讎會聞之投箸起曰賊數行而西掩我不備不  
蚤計民無噍類此豈飲酒時乎遂罷會居無何當路  
以討賊屬之先是泰和巡檢劉茂力戰死賊怒磔其  
屍一中至率諸將吏祭曰爾職抱閔猶死疆事吾待

罪方面不滅賊何以生為遂誓師列陣而鼓之傳五  
人斬首以徇旦日陣如前會左右軍遇賊而奔賊悉  
赴中軍中軍潰一中躍馬當賊鋒射二人刃一人死  
一中脰脇中鎗二臂中刃三與指揮王應鵬千戶唐  
禹甘死之一中妻程氏聞計投井未得死送一中喪  
歸不食五日竟死事聞贈光祿卿謚忠愍賜祭予廕  
命有司立祠

蘓夢陽萬曆間為雲南祿豐知縣有政聲三十五年  
十二月武定賊鳳騰霄反圍雲南府城轉寇祿豐夢陽  
率民兵出城力戰賊退去明年元旦夢陽方朝服視

登賊出不意襲陷其城執之去不屈而死贈光祿少卿有司建祠錄其一子當祿盡之未陷也賊先犯嵩明州吏日韋宗孝出禦而敗圍門死之贈本州同知廕其子入國學有龍旌者雲南趙州人由歲貢生為嵩明州舉正賊薄城旌效死不去被執罵賊死贈國子博士

滿宗顏字士瓚保安衛人善詩賦曉天文兵法舉萬曆四十一年進士授戶部主事歷郎中遠事起數上書當路言兵事當路不能用然以知兵命督餉遼東旋擢開原兵備僉事申嚴軍令將士不法者立置之

罪部內彌然馬林之將出師也宗顏知林不足任上  
書經略楊錫曰林庸懦不堪當一面乞易他將以林  
為後繼不然必敗公事錫不從命宗顏監林軍出三  
岔口營于稗子峪夜聞杜松軍敗林軍遂譟及旦敵  
兵大至林恐甚一戰而敗策馬先奔宗顏留殿後奮  
呼衝擊膽氣彌厲自辰至午力不支與游擊賈永澄  
守倭江萬春贊理通判董爾礪等皆死馬事聞賜祭  
葬贈光祿卿再贈大理寺卿廕錦衣世百戶謚節愍  
立祠奉祀永澄等亦賜恤如制

張銓字字衡沁水人萬曆三十二年進士授保定府

推官入為御史巡視陝西茶馬以憂歸起按江西時  
遼東總兵官張承傳軍覆經略楊鎬議四道出師銓  
馳奏言敵之山川險易我未能悉知懸車深入保無  
抄絕且突騎野戰敵之所長我之所短以短擊長以  
勞赴逸以客當主非計之得晉驢胸河之戰五將不  
還奈何輕言出塞為今之計不必徵兵四方但當就  
近調募屯集要害以固吾圉厚撫北關以樹其敵多  
行間謀以携其黨然後伺隙而動若加賦選丁騷動  
天下恐讖者之憂不在遼東因請發帑金補大僚宥  
直言開儲儲先為自治之本不報又言李如柏杜松

劉綬以宿將並起宜責錫約束用一事權唐九節度  
相州之潰可為明鑑已而師敗果如銓言廷議將恤  
張承僧銓言承僧不知敵之誘我輕進取敗是謂無  
謀猝與敵遇行列錯亂是謂無法率萬餘之衆不能  
死戰是謂無勇臣以為不宜恤時諱其言又言楊錫  
非大帥才荐熊廷弼有將畧四十八年夏疏言自古  
國家之亡莫不由于民窮財盡自軍興以來所司創  
議加賦畝增銀三厘乃三厘未已而至七厘七厘猶  
未已而至九厘夫天地止此財賦民間止此物力正  
賦尚逋何況加徵加徵已難何況增益今縱不能賦

於七厘之內斷不可加于七厘之外辟之一身連束  
肩背也天下腹心也肩背有患猶藉腹心之血脈滋  
灌若腹心先潰危亡可立而待今竭天下以救速速  
未必安而天下已危為今日計在聯人心以固根本  
豈可腹削無已驅之使亂耶則諸臣之為國謀非也  
陛下之自為謀更非矣內廷積金如山以有用之物  
置無用之地與瓦礫糞土何殊而發帑之請叫閤不  
應加派之議朝奏夕可臣殊不得其解豈財為陛下  
之財民非陛下之民也耶亦不報素宗即位出按邊  
東經畧表應泰下納降令銓力言不可不聽曰禍始

此其天啓元年三月滿陽破銓請遼東撫臣薛國用  
帥河西兵駐海州薊遼督臣文球帥山海兵駐廣寧  
以壯聲援疏甫上遼陽被圍官軍大潰銓與應泰乘  
城分守應泰令銓退保河西圍再舉銓不從三日城  
破銓被擁去不屈欲殺之銓引頸待刃乃送歸署銓  
衣冠向闕拜又遷拜其父母遂自經事聞贈大理寺  
卿再贈兵部尚書謚忠烈官其子道濬錦衣指揮僉  
事父五典由進士歷官南京大理卿乞終養詔以銓  
所贈官加之亦為兵部尚書卒贈太子太保初五典  
謂海內將亂於所居甕莊築塙為堡堅甚崇禎丙午

流賊來寇時五典已沒道濟及弟官京師獨銓屢灌  
氏在衆請避之曰避賊而出家不保出而遇賊身更  
不保等死耳曷死于家乃率僮僕堅守賊環攻四晝  
夜卒不能克其避山谷者多遇賊淫掠獨張氏家族  
獲全副使王肇生名其堡曰夫人城後賊數來犯並  
擊却之里人多賴以免道濟既官錦衣以忠臣子為  
朝貴所重累加都指揮僉事僉書衛事為人克邪無  
賴崇禎初逆黨楊維垣楊所修賈繼春被斥上疏力  
頌其賢後為王永光心腹連疏擊錢龍錫成基命文  
震孟毛羽健諸正人吏部郎中龔世法御史劉若琴

家北上聞警遙回且檄承部傳道濟疏發之兩人罪  
至謫戍由是朝士並疾之尋以納賄居間事亦被劾  
遣戍迺還其家再被劾改戍海寧

何廷魁字汝謙山西威遠衛人萬曆二十九年進士  
授涇縣知縣調寧晉入為刑部主事歷歸德衛輝河  
南知府遷西寧副使坐考功法獲為黎平知府會宋  
事棘詔以副使分巡遠陽受牒以六月蒞事乃先期  
往時連事潰裂經畧袁應泰復有納降之令廷魁爭  
不聽及滿陽破同事者遣其孥歸廷魁曰吾不敢為  
民望無何敵兵渡濠廷魁請乘半濟急擊俄敵踰城

周永合久請盡銳出禦應泰並不從遠陽既破僉魁  
懷印率其妻高氏金氏投井死婢僕從死者六人都  
司徐國全聞之亦自經于公署事聞贈廷魁光祿寺  
卿再贈大理寺卿賜祭葬謚忠愍世廕錦衣百戶國  
全亦贈恤如制

崔儒秀字倣初陝州人萬曆二十六年進士除振縣  
知縣置倉名耕餘秋成輸粟其中歲得千餘石遇災  
發賑坐忤縣中要人罷歸數年起知絳翼二縣入為  
刑部主事復謫文安知縣由戶部郎中遷開元兵備  
倉事時開元已失儒秀散家資募壯士攜家辭墓而

行經畧表應泰倚重之嘗與諸監司憂兵馬甲仗無  
足恃儒秀曰恃人有必死之心耳應泰心然之遠陽  
被圍儒秀分守東城矢集如雨不少却會兵潰儒秀  
痛哭戎服北向拜遂自經事聞恤典視何廷魁賜祠  
曰愍忠以陳輔堯段展配祀輔堯揚州人萬曆中舉  
予鄉歷知長寧歸善二縣課最擢膠州知州甫五月  
遷永平府同知轉餉出閩與自在知州段展同駐潯  
陽天啓元年日暈異常展移牒表應泰言天象示警  
宜豫防踰月潯陽變作展死之輔堯方奉命印烙左  
右以無守土責勸之去輔堯曰孰非封疆臣何者為

望闕拜執佩刀自剄死與展並贈按察僉事輔饒守  
官廉在膠州時有覬之山爾者却之不得遂懸公帑  
中展涇陽人舉于鄉授蓬萊知縣調官未久遽及于  
難先是遼陽被圍監軍按察使高士興諸監軍胡嘉  
棟牛維曜並踰城遁出倡言廣寧不可守宜昇之蒙  
古共為捍蔽我當力守山海關御史劉廷宣劾之被  
逮無何以熊廷弼言貶副使監軍廣寧嘉棟亦貶二  
秩監軍遼陽及王化貞棄廣寧兩人復遁下獄論死  
高邦佐字以道襄陵人萬曆二十三年進士授壽光  
知縣教民墾荒招集流亡三千家歷戶部主事員外

即水為永平知府濬縣河築長堤稅使高維橫甚獨  
裁抑之遷天津兵備副使平巨寇董時耀四十一年  
遷陝西神木道參政屢破套酋沙計兵餉有奇羨舊  
克兵使者索邦佐獨不取以嫡母憂歸服除起補蔚  
州道坐調兵忤主者意被劾歸天啓元年遼陽破詔  
以原秩分守廣寧時母年八十餘邦佐涕泣不忍去  
母責以大義乃行既視事見經畧熊廷弼與巡撫王  
化貞構隙連事潰決不可為邦佐憂勞成疾累牘乞  
罷督撫廉得實報允明年正月化貞棄廣寧逃衆謂  
邦佐既請告可入閔邦佐叱曰吾一日未去則一日

封疆臣也。吾將安之夜作書訣母策騎趨右屯驍衛  
弼言城中雖亂敵尚未知亟提兵入城斬一二人以  
心自定公即不行請授邦佐兵赴難廷弼不納且偕  
化貞並奔邦佐仰天長嘆泣語從者曰經撫俱逝事  
去矣松山吾守地當死此汝歸報太夫人遂西向拜  
闕復拜母解印綬自經于松山官舍僕高永曰主人  
死安可無從者亦自經于側事聞賜祭葬贈光祿寺  
卿再贈大理寺卿謚忠節世廕錦衣百戶邦佐與張  
銓何廷魁皆山西人詔建祠宣武門外顏曰三忠同  
時顏頤以右叅政分守遼海道廣寧之變頤力屈自

經贈太僕少卿世廕本衛副千戶

章文炳長泰人萬曆四十一年進士除戶部主事歷  
部中出為重慶知府治行廉潔吏民愛之天啓元年  
九月賊樊龍等反于重慶殺巡撫徐可求以下十餘  
人文炳被執罵賊死賊後知其賢悔之覓其屍厚為  
棺斂送之歸喪出江上夾岸哭者皆失聲事聞贈太  
僕少卿再贈太常卿世廕外衛副千戶可求浙西江  
安人舉進士歷知南昌江浦上海三縣有治績累遷  
考功文選部中泰昌元年由太常少卿擢右僉都御  
史巡撫四川為政嚴明屬吏畏服給事中明時舉御

史孝達者蜀人也奉命徵土司兵與可求等並繼靈  
慶永寧宣撫奢崇明遣其塔與龍等率兵來會時奉  
達頗責饒遺諸土司多不服土司志在冒餉兵不如  
額可求以餉乏議汰之相持閱月龍等憤怒欲變可  
求等不為意至九月聞兵演武場可求援諭以簡汰  
意龍抗聲言兵已久集汰之將不利可求猶難之叅  
政楚雄孫好古見衆情洶洶力請毋汰可求領之猶  
欲聞實其數諸亂兵遂繼擁而上挺刃擬可求可求  
厲聲大言逆賊敢反耶聲甫脫口刃已搥胸死好古  
及副使惠安駱日升南昌李繼周並被害提兵官黃

守寇時駐城外聞變急督兵入討道狹民居稠格闘不利為群賊刺死妻聞亦赴水死同時被難者有推官王三宅順慶府同知王世科叙州府同知熊嗣先遵義泰將萬金等十數人惟時舉達踰城得脫事聞可求贈右都御史廕本衛指揮僉事好古日升總周贈光祿卿廕本所百戶三宅世科嗣先贈尚寶卿廕試百戶並世襲賜祭葬時舉達被逮視職

段高選雲南劍川州人萬曆四十七年進士授巴縣知縣以寬厚得民天啓元年八月應聘分考鄉試事甫竣聞巡撫徐可求以徵兵詣其縣亟馳還未幾賊

樊龍等變起高選同在演武場亟遣吏歸印子署屬  
聲叱賊賊冠戒其下勿殺而高選馬不絕聲遂遇害  
父汝元母劉氏側室徐氏及一子一女聞之皆自盡  
僕冒死覓其主屍亦被殺明年十二月贈尚寶司卿  
世廕外衛試百戶崇禎元年予陞援張振德創叩關  
請優恤改贈光祿寺卿世廕錦衣千戶建祠奉祀汝  
元等亦獲旌十五年其子履以謚請賜謚恭節公時  
左重雲南蒙化人舉于鄉授灌縣知縣為人卓偉尚  
名節著崇明園成都重召士民諭之曰灌去成都近  
成都亡禍即及灌惟率壯士出不意直衝賊壘庶園

解而灌亦全衆從之遂鼓行而前賊聞釋圍迎敵重  
死闘不休力竭馬蹶罵賊死贈尚寶司卿世廕千戶  
崇禎十三年其子廷舉援高選例乞恩命如其請  
張振德字季修崑山人祖情從祖意皆進士情福建  
副使意山東副使振德由選貢生授四川興文知縣  
縣故九絲蠻地萬曆初始建縣土壻數尺戶不滿千  
時永寧宣撫奢崇明有異志潛結奸人掠賣子女振  
德至請于兩臺復弓手舊額免協防堡兵嚴土人出入  
得奸民為掠賣主者論配之招還被掠者三百餘人  
崇明以贖請不報則賄以二千金振德怒裂其贖部

之天啓元年振德方赴成都供事鄉闈崇明部將樊龍殺巡撫徐可求等據重慶叛時振德兼署寧長縣去賊稍遠從者欲走長寧振德以守與文為正疾趨入城賊猝至振德督鄉兵與戰衆寡不敵退集居民守城會大風雨賊毀土城入振德命妻錢氏及二女入持一劍坐後堂曰若輩死此吾死前堂乃取二印繫肘後北向拜曰臣奉職無狀不能殺賊惟以一死明志妻女先伏劍死乃命家人舉火火熾自剄一門死者十二人賊至火所見振德屍面色如生左手繫印右手握刀恣如赴敵狀皆駭愕羅拜而去事聞賜

祭葬贈光祿卿謚烈愍勅有司建祠世廕錦衣千戶  
振德既死與文教諭劉希文代署縣事甫半歲賊復  
薄城希文誓死不去妻白氏亦慷慨願同死賊入  
大婦大罵不屈並死之始振德署長寧與主簿徐大  
禮善振德禦賊興文大禮以騎從未遇振德却之後  
長寧亦陷大禮曰吾不可以負張公一家四人仰藥  
死贈重慶府同知世廕百戶是時先後殉難者南溪  
知縣王碩輔城陷自盡為賊夫解桐梓知縣洪維翰  
城陷奪印不屈死典史黃啓鳴亦死郫縣訓導趙愷  
率衆擊賊刺死遵義推官馮鳳雛挺身禦賊被創死

遵義司獄蘇樸武遠經歷表一修義不汙賊墜城死  
大足主簿張志舉典史宋應舉集兵奮戰力屈死所  
司上其狀頒補維翰並贈尚寶卿世廕千戶啓鳴贈  
重慶府通判懷重慶府同知世廕試百戶

董盡倫字明吾合州人萬曆中舉于鄉除鞏昌清水  
知縣調安定咸有惠政秩滿安定人詣闕奏留詔加  
鞏昌府同知仍視縣事久之以同知理甘州軍餉解  
職歸天啓初永寧賊奢崇明反率衆薄城盡倫傾貲  
募士偕知州翁登彥誓衆固守賊遣使說降盡倫大  
怒手刃其使挾其睛啖之屢挫賊鋒賊不能克城獲

金乃率衆援銅梁復有功尋被檄擣賊重慶義不反  
顧孤軍深入兵盡援絕伏兵四起遂戰死事聞贈光  
祿少卿世廕千戶有司建祠奉祀尋改廕指揮僉事  
崇禎初論全城功復改廕錦衣千戶同時李忠臣永  
寧人官松潘參政家居陷賊散家資陰募死士使使  
密約總兵官楊愈懋令以大兵薄城已為內應事洩  
闔門遇害高光瀘州人嘗為應天府通判城陷薙髮  
為僧與予在崑潛募壯士圖恢復殺賊百許人賊怒  
追至大葉壩光罵賊不屈與家衆十二人同死胡鎮  
永寧舉人預策崇禎必反上書當事陳狀當事不為

意後賊起被執嚴刑錮獄中弟緯傾家營救獲免乃  
糾合義徒數有新賊潛結賊將張令等執偽相何海  
若部勒行陣自當一面賊甚畏之偶火藥被焚鎮焚  
死蜀人莫不傷之薛繩昌富順舉人毀家召募義勇  
禦賊戰死吳長齡瀘州監生率衆恢復瀘州尋中伏  
父子俱戰死胡一夔興文人仕為龍陽縣丞里居被  
執不屈死

龔萬祿貴州人也目不識書而體貌魁梧有膽智臂  
力過人初隸行伍從劉綎征楊應龍先登海龍圍由  
是知名上官署為守備成建武所所故九絲蠻地萬

曆初變平始置最號難治到使陳禹謨奇萬祿亦屬  
以捕盜盜盡絕及奢崇明反衆推萬祿為游擊將軍  
主兵事指揮李世勳名位素先萬祿亦受節制相與  
戮力固守崇明謀犯成都憚萬祿率其後遣部將張  
令說降令雅欲反正慷慨陳志萬祿與結約謬降崇  
明果遣他賊來成萬祿又脅降之先後誘殺賊無算  
乃微服走叙州說副使徐如珂曰賊之精騎盡萃成  
都其留守故業者悉老弱也誠假萬祿萬人直搗其  
巢彼必還兵自救則成都圍立解如珂奇其計而不  
能用及賊退還悉衆來攻萬祿邀擊十里外衆寡不

敵而敗城遂陷世勛具衣冠再拜率家屬自焚死萬  
祿手刃兩妾兩孫自刎不殊乃握稍馳出大呼我龔  
萬祿也孰能追我者賊相視不敢逼走至叙州乞師  
巡撫朱雙元遂復建武會官軍敗于江門賊四面來  
攻萬祿苦戰三日手刃數十人與子崇擊並死事聞  
贈都督僉事立祠賜祭世廕百戶同時武臣死難者  
成都衛指揮程英挹賊龍泉驛成都後衛指揮韓應  
泰赴援成都遇賊草堂寺小河所鎮撫郁聯若廕賊  
城西茂州百戶張朋救援郫縣皆力戰死  
管良相者烏撒衛指揮也為人慷慨負奇節天啓初

樊龍等反于四川巡撫李樓召良相置麾下與等軍  
事良相策安邦彥必反佐樓招兵積粟為固守計已  
良相以祖母疾乞假歸泣語樓曰烏撒孤城密邇水  
西且與安効良相擊水西有變禍必首及良相無子  
願以死報國乞圖長策保此一方樓亦泣下逾月邦  
彥果反圍其城良相固守不下久之外援不至城陷  
良相自縊死同官李應期朱運泰蔣邦俊亦遇害同  
時武臣死難者王明重普定衛指揮聞安順陷仰天  
慟哭自經死丘述堯威清衛指揮金紹勛平壩衛指  
揮俱以召兵拒賊為賊掩襲父子皆死壩陽把總簡

益率衆討賊兵賊被執罵賊死賊圍龍里吏民或逃  
或降獨訓導劉三畏兀坐齋中被害原任守備劉率  
與賊格鬪衆寡不敵其子景武聞難赴救并死之人  
稱龍里三劉

徐朝綱雲南晉寧人萬曆二十八年舉于鄉天啓元  
年授安順推官至卽署府事明年安邦彥反遣兵來  
攻朝綱督率兵民憑城固守上官溫如璋訓導周圍  
先懷異志開門迎賊國光時守東門持賊幟麾士民  
降朝綱猶出城督戰衆寡不敵為賊所執脅之降不  
屈賊索其印罵曰死賊奴吾頸可斷印不可得賊怒

刀斧交下大罵而死其妻聞之登樓自縊長媳並舉  
火焚其舍挈十歲女躍入烈焰中死孫應魁年十六  
擐甲持矛潰圍出城覓其祖遇賊被殺婢僕從死者  
十一人五年正月恤殉難諸臣贈朝綱光祿少卿廕  
子入國學予天鳳甫第進士即奔喪歸服闋起官戶  
部主事拜疏言臣家一門臣死忠妻死節婦死姑孫  
死祖婢僕死至此從來未有之節烈乞如張振德例  
再加優恤臣母臣嫂一體旌表帝嘉之再贈光祿寺  
卿政廕錦衣世千戶賜祭葬立祠建坊諸從死者皆  
附祀國光既降賊後被獲伏誅妻子為奴

楊以成雲南路南人萬曆中由貢生授貴陽府通判  
理畢節衛事秩滿進同知仍治畢節天啓二年安邦  
彥反圍貴陽以成即具蠟書告急于雲南巡撫沈做  
炯做炯遣兵來援賊衆已抵城下以成勒兵與戰却  
之無何賊來益衆以成知勢不敵遣吏懷印取間道  
走貴州而身督吏民拒守會援兵入夜潛遁衛吏阮  
世爵為內應城遂陷以成倉皇投繯賊繫之去乃為  
書述賊中情形實竹筒中令弟以恭再赴雲南告變  
行至散納溪遇賊搜得其書遂并以成殺之家屬同  
死者一十三人五年正月贈按察僉事賜祭久之其

于舉人興南訴諸朝請如徐朝綱例優恤會莊烈帝  
嗣位乃贈光祿寺卿世廕錦衣千戶賜祭葬建祠立  
坊以恭亦附祀同時孫克恕馬平人舉于鄉歷官貴  
州副使分巡畢節道亦以安賊之亂死難贈太僕寺  
卿賜祭又有王昌循者嘉興人舉于鄉為思恩府推  
官遷貴陽府同知分理永寧衛事天啓元年奢崇明  
父子據永寧反昌循被難與以成並贈按察僉事賜  
祭莊烈帝踐祚其子監生世駿言賊踞永寧臣父刺  
血草三楮繳印上官以次年五月再拜自縊賊恨之  
焚其屍二孫一孫女及僕婢十三人同日被戮乞如

張振德徐朝綱例優加恤典所司議如其言報可或  
言昌偕陷于賊遘疾死其家人以殉難報于官遂蒙  
贈恤然道遠莫能詳也

鄭彥字爾調龍溪人由鄉舉為貴州廣順知州時安  
邦彥有異志彥策其必反上書當事陳狀州故無城  
督民樹柵實以土為守樂計無何彥邦果反遣兵來  
攻彥激厲士民誓死固守或言賊勢盛宜走定番馬  
曰吾守土吏也義當與城存亡及賊入與土官金燦  
端坐堂上不動並為賊所害婢僕從死者六人吏目  
胡士統被賊執亦不屈而死時天啓二年六月七日

也巡撫李標上于朝贈按察僉事賜祭崇禎元年予  
舉人崑貞援徐朝綱例請加恩再贈光祿寺卿世廕  
錦衣千戶予祭葬有司建祠崑貞後舉進士歷御史  
尚寶卿

姬文循字士昌華州人舉于鄉久之不第天啓二年  
授滕縣知縣視事甫三日白蓮賊徐鳴儒作亂來薄  
城當是時縣人十九從賊內外協應文循徒步叫號  
驅吏卒登陴不滿三百此賊至又多散走存者繞數  
十問民何以從賊曰禍由董二董二者故延綏巡撫  
董國光子也屬鄉貪暴故致民變文循急懸城曉告

句若皆良民以董二故挺而走險吾執董二實譴法  
為若雪憤可乎衆無應者見文循長身赤面鬚髯奮  
張則駭為神人譙呼羅拜俄箭發西隅斃二賊視之  
則廷綏沙柳幹也賊並憤薄登城衆悉潰文循緋  
衣坐堂皇爵齒罵賊賊前搏裂其冠裳械繫之文循  
罵不屈居三日解印界小吏魏顯照及家僮李守務  
北向拜闕遂自經賊榜掠顯照索印顯照潛授其父  
與守務反而罵賊並死之事聞贈太僕少卿立祠致  
祀錄其一子顯照等優恤其家董二既致賊及賊至  
踰城遁去事平竟以贖免

鄭國昌邠州人萬曆三十五年進士歷戶部主事禮部員外郎部中遷四川副使調山西右叅政崇禎元年以按察使治兵永平尋遷山西右布政使為上官奏留三年正月

大清兵自京師東行先令人伏文廟承慶上主者不覺也初四日黎明登城有守將左右之國昌覺其異擡之至死須臾北樓火發城遂破國昌自縊于城上中軍守備程應珩從之應珩妻奔告國昌妻與之偕死一時同死者知府張鳳奇推官羅成功盧龍教諭趙允殖副總兵焦廷慶東勝衛指揮張國翰及里居

中書舍人廖汝欽武舉人唐之後諸生韓洞原周祚  
新馮維京胡起鳴胡光奎田種玉等十數人國昌鳳  
奇一門盡死事聞贈國昌太常卿鳳奇光祿卿並賜  
祭葬廕其一子成功等贈恤有差鳳奇陽曲人起家  
鄉舉

党還醇字子貞三原人天啓五年進士授休寧知縣  
有善政以父憂歸崇禎二年服闋起官良鄉十二月  
大清兵薄城督吏民棄城拒守或言縣小無兵盡避  
諸還醇毅然曰吾守土吏也去將安之救兵不至力  
屈城破與典史史之棟教諭安上達訓導李廷表驛

垂拂其禮並死焉事定父老覓還醇死得之草間赤  
身而縛體被數鎗群衆而殮之上達貴州安順人萬曆  
末舉于鄉不樂為吏謁選得教諭至是闕門死難事  
聞贈還醇光祿丞予祭葬有司建祠官其一子之棟  
等亦贈卹有司給驛歸其喪已而吏科上言還醇城  
亡與亡之死靡甦猶曰有守土責也若之棟上達等  
元賊下吏倘抱頸鼠竄何地不可容身乃致命遂志  
有死無隕即破格褒崇誰曰不可諒朝廷必不惜今  
日之虛名作將來之忠義乃僅贈良鄉主簿國學教  
職于聖主優恤之典謂何帝感其言下部吏議乃贈

生連五經博士與森禮等及千戶蕭如龍何秉忠百  
戶李蔭並配祀還醇祠武舉人陳彝則諸生梅友松  
等十五人烈嬪朱氏等十七人並建坊旌表無何順  
天府尹劉宗周以上導得死難之正請贈輸死宮坊  
以為世勸不報當是時列城被兵多失守其以死事  
聞者更有香河知縣任光祿灤州知州楊燦光祿贈  
鄧如還醇燦贈光祿少卿並任一子

李獻明字思皇壽光人崇禎元年進士授保定府推  
官明年十一月

大清兵臨遵化巡撫王元雅與推官何天球遵化知

縣徐澤先任知縣武起潛等憑城拒守獻明時以查  
盤在城中或謂之曰此邑非君所轄去之無罪獻明  
正色曰莫非王土安敢見危避難請守東門未幾城  
破遂死之元雅太原人為巡撫數月即遇變自縊而  
死天球以永平府推官理遵化軍餉澤字允若襄陽  
人獻明今年進士涖任甫七日與天球起潛並殉難  
起潛字用潛進賢人天球五年進士初為武清知縣  
有諸生為人所訐納金酒甕以獻起潛知之召學官  
及諸生貧者數人置甕庭中謂之曰美酒不可獨享  
與諸君共之酒盡金見其人惶恐請罪即以金分界

貧者治縣一年有瘳調繁遵化坐事被劾解官候代  
遂及于難事聞獻民天球並贈光祿少卿澤光祿丞  
俱廕一子

明史卷三百七十八

忠義傳

忠義三

朱萬年黎平人萬曆中舉於鄉歷官萊州知府有惠政崇禎五年二月賊魁李九成等既陷登州遂擁衆來犯城中士民洶洶欲竄萬年下令嚴禁督率吏民憑城固守時山東巡撫徐從治登萊巡撫謝璉並在城中賊攻圍數月萬年飭守具給軍食未嘗乏絕已而從治中砲死外圍益急城中守禦益堅賊知不可下數詭詞乞降璉信之以七月七日偕萬年出城往受遂為賊所執萬年誑之曰爾執我無益可以精騎

從我乎守城者出降賊果以精騎五百擁萬年至城  
下萬年大呼曰我已被擒誓必死彼精銳盡在此可  
急發砲擊之毋以我為慮守將楊御蕃不忍萬年復  
頓足大呼賊怒將殺之大罵而死城上人見萬年已  
死遂發砲賊死過半事聞贈太常寺卿賜祭葬有司  
建祠官其一子方賊之還掠新城也知縣秦三輔訓  
導王協中禦之並死焉其陷黃縣知縣吳世揚罵賊  
死縣丞張國輔泰將張其功守備熊膏渭力戰死陷  
平度知州陳所聞自縊死三輔世揚贈光祿少卿所  
聞贈太僕少卿並賜祭葬建祠蔭子協中國輔奇功

喬渭亦贈恤有差三輔三原人世揚洛陽人所聞畿  
輔人並起家一榜明世恤忠之典凡身死綱常與死  
封疆者皆贈官廕子賜祭葬或錫謚立祠婦女則建  
坊旌表其典最為優厚若所司失奏及後人自陳請  
者天子輒嚴旨譴讓故一時忠盡之臣鮮不顯暴於  
世今采摭先後死事者盡著於篇但志所贈之官其  
他卹典槩可類推故不悉志云

張瑤蓬萊人天啓五年進士授開封府推官為治嚴  
明絕請寄抑豪強吏民畏若神崇禎四年與杞縣知  
縣萊陽宋玖並行取入都時沂州宋鳴梧居吏科瑤

往謁門者索錢瑤詈之鳴梧不悅援政為給事而抑  
瑤僅得府同知瑤大怒按政行賄狀列疏上聞吏部  
尚書閔洪學等亦劾瑤積遺奔競鳴梧獲極論之遂  
謫河州判官未赴旋里明年正月賊李九成等逼登  
州瑤率家衆登陴拒守無何城陷瑤猶揮石奮擊賊  
擁至被執大罵不屈被殺妻女四人並投井死贈光  
祿少卿先是賊陷新城舉人王與夔張儼然死之其  
陷他縣者貢生張聯台蔣時行亦死之皆格於例不  
獲旌禮部侍郎陳子壯上言舉貢死難無恤典舊制  
也然名既登於天府息獨後於流官九泉之下能無

悲憫此者武舉人李詢禦賊捐軀已蒙贈恤武途如此文儒安得獨遺乞量贈一官永為定制可之乃贈與夔儼然宛平知縣聯台時行順天府教授其後他衣死難若舉人李讓吳之秀賈煜張慶雲貢生張茂貞張茂恂皆贈官如前制

張光奎澤州人仕至山東右叅政崇禎五年流賊竄山西監司王華生知歙人吳開先有勇略便宜署為將使擊賊賊犯澤州開先與戰於城西賊敗去從沁水轉掠陽城華生以開先之兵至開先恃勇渡沁戰於北留敵下擊斬數百人砲盡無援一軍盡沒賊乃

以八月再犯澤州光奎時里居與其兄守倚光璽千  
總劉自安等率衆固守八日聞援兵不至城陷光奎  
等並死之澤大州也遠近為震動事聞贈光祿寺卿  
光璽等贈恤有差同時楊于楷遠州人崇禎元年舉  
進士授行人五年奉使藩府事竣旋里十一月賊紫  
金梁等自沁州武鄉來寇于楷散家貲率士民登城  
拒守已而力屈城陷于楷被執罵賊死知州信陽李  
呈章及在籍刑部主事張友程舉人趙一亨侯標並  
死之明年六月賊陷和順昌平副使葉濟衆罷言家  
居被傷不屈赴井死贈于楷光祿少卿濟衆太僕少

卿有徐明揚者浮梁人由選貢生為平順知縣六年四月賊來犯或以城小無備乞避之郡城明揚不可設策守禦及城被不屈死

李中正盧氏人萬曆末舉會試以天啓二年赴廷對授承天府推官入為兵部車駕主事崇禎初謝病歸六年群盜大亂河北以十一月乘冰堅長驅渡河遂由滏池犯盧氏時中州承平久上下恬熙不設備驟聞寇至吏民皇駭知縣金會嘉棄城遁賊遂以十二月二日入城中正憤躬勸家衆及里中壯士願從者將擊衆寡不敢力死賊縱掠城中執舉人靳謙吉

抑使跪譟吉不屈大罵而死賊以是冬始入河南自  
是屢陷名城殺將吏延蔓中原數千里不可嚮通矣  
馬尾輕者宜陽縣布衣也性篤孝友事感婦言迫分  
產乃簡取田廬之磽薄者萬曆末歲大凶出粟六百  
石賑救焚券千餘金崇禎六年冬流寇渡河而南挈  
家避之石龍崖三女有絕色慮為賊所污悉投崖下  
死足輕被賊執厲聲大罵賊怒并其三子殺之迄死  
罵不絕口其家衆皆遇害惟存次子駿一人後登鄉  
薦時中州以布衣死難者有靈寶許輝新安劉忠培  
馮山李登英俱師裴君合陝州張我正張我德孟津

孫挺生嵩縣傅世齊季佩玉上蔡劉時龍諸人輝幼  
習道家言為縣中陰陽官六年冬為賊所掠誓不  
從大罵見殺君培為人有義行六年冬寇渡河攜子  
及從孫避難道遇賊欲殺其從孫君培曰我尚有兒  
此子乃遺孤幸舍之而殺我賊如其言二子獲免山  
性剛直上冠於大中陷新安獲山使之負米叱曰我  
良民汝逆賊安有良民為賊負米者即大罵而死登  
英陽城破慷慨就義君合幼孤母苦志育之君合孝  
養惟謹寇亂聚眾保沙岸寨寇攻圍十晝夜不克說  
之降大罵不從後寨破被磔我正豪傑自負嘗集眾

保障鄉里一方賴之十四年寇掠其里勒衆禁之賊  
三賊俄賊大至衆悉奔喬臂獨戰寇愛其勇欲生致  
之詎罵自刎死我德生有義槩里中被寇恐妻子受  
辱驅一家二十七人登樓自焚挺生初讀書試有司  
不利去學星術有奇驗預知十五年有寇禍編茅於  
河渚以居賊蹤跡得之語其妻梁氏曰此匹夫殉義  
之秋也夫婦對泣詬賊而死世濟與兄世舟並爲土  
寇於大中所執將殺之兄弟相抱持而泣賊憐之議  
釋其一世濟即奪賊刀自殺世舟獲免佩玉者世史  
與玄孫也崇禎末青洲蹂躪無完土佩玉憤結遺民

捍衛鄉井與鄰境救寨相犄角往往尾賊後奪其輜  
重賊憚之不敢出其境後賊大舉圍別寨佩玉以救  
衆寨不敵力戰而死里人相聚哭之時寵有孝行賊  
陷城其父宗禮以年老不能行命之速避遂自殺時  
寵慟哭刺殺一子三女夫婦並自刎其妹適歸寧亦  
從死一家死者凡八人

方國儒字道醇歙縣人四歲失怙奉母以孝聞天啟  
元年舉於鄉崇禎間為保康知縣時流寇大入湖廣  
所至摧陷將吏率望風先奔保康小邑素無兵寇以  
七年正月來犯國儒急率鄉兵出禦力不支敗走城

遂陷無何賊退國儒還入城方再圍戰守踰月寇復  
至督吏民脩城固拒寇後隊來益衆孤城無援復陷  
國儒冠服坐堂中被執大罵身中七刀死是年正月  
寇陷竹谿執知縣余霄將殺之子諸生伯麟請代乃  
免賊退數日復陷其城訓導王紹正遇害殺城舉人  
常存畏王秉貞以會試赴京道遇寇被劫欲推為首領  
存畏罵不絕口死秉貞傾貲行賄獲釋後張獻忠據  
欽城為之謀主鄉里羞之他賊犯興山者知縣劉定  
國督衆堅守城將陷遣吏懷印送上官挺身罵賊死  
何承光貴州鎮遠人萬曆四十年舉於鄉宗禎中歷

官夔州府同知時群盜犯荊州者連陷遠安興山歸  
州遂長驅入夔州官軍竟無守險者以七年二月抵  
夔州城下城中倉猝無守具副使周士澄時駐培州  
通判黃尚儀推官劉應侯奉節知縣譚楚良悉遁承  
光以攝府事督吏民城守力竭無援城遂陷承光整  
冠帶危坐不動賊人殺之投屍於江自賊起陝西轉  
寇山西蔓延畿輔河南北以及湖廣四川推陷州縣  
以數十未有破大郡者至是天下為震動承光後贈  
夔州知府賊他部自漢中西鄉來者亦以是月犯大  
寧知縣高日臨見勢弱不能守嚙指血書牒乞援於

上官而躬率家衆及吏民禦之城北門衆寡不敵為  
賊擊敗日臨被執脇之降大罵不屈賊碎其體而焚  
之訓導高錫及其妻女巡簡陳國俊及其妻皆遇害  
日臨字儼若鄱陽人起家恩貢生賊既陷夔州他賊  
即以次日陷巫山通江巫山巡檢郭續化禦之陣沒  
通江署事通判李良基禦城遁指揮王永年力戰死  
之至四月守備郭震辰指揮田寶擊賊百丈關兵敗  
被獲罵賊死

陸夢龍字君啓會稽人萬曆三十八年進士授刑部  
山東司主事進員外郎挺擊獄起諸司官列士相趙

會禎勞永嘉納鄭國祿厚賄附會劉廷元諂竊之說  
盡匿張差所供為國恭守莊及龐劉二內侍引此語  
第云差收積薪草為鄰人李萬倉等所燬差憤赴朝  
禁寃行至東門遇一人謂持挺入可當寃狀遂悞入  
東宮迫署印侍郎張問達速謝及王之案發其奸謀  
士相等懼時夢龍以典試廣東杜門注籍問達強起  
之令共事士相等不欲再鞠趣問達具疏請旨以疏  
入必留中其事即寢夢龍曰已奉旨提問安得再請  
舍已奉之明綸又請必不下之旨可乎問達感額曰  
然則若何夢龍曰請問今具疏欲提張差耶衆曰然

夢龍曰差已在獄又誰提衆曰然則提馬三舅輩夢  
龍曰此皆編氓堂堂法司不能刺一編氓須煩天子  
詔耶士相曰今但云乞勅下三法司不須乞提何人  
問達哂曰有是哉此成何語再問夢龍當若何曰差  
所供內犯有姓無名此須訊實士相急曰此事何敢  
再訊夢龍曰他小事猶訊而獲訊今國家大事反草  
草耶問達亦以為然明日夢龍復反獲言之問達悟  
趣速訊士相猶執不可永嘉曰倘訊而吐不執謀奈  
何夢龍曰因慮其不承反慮其承耶蓋是時士相永  
嘉各納國泰四萬金而問達不知也及會赦止士相

會禎永嘉夢龍之案暨傅梅鄒紹先七人獨梅與夢  
龍合餘皆主瘋癲說將訊衆猶囁嚅後堂不肯出夢  
龍曰法官畏囚若此耶士相曰訊終不便永嘉把夢  
龍臂曰令不得已而訊止問二內官及馬三舅李外  
父的名爾若更問一語不訊矣會禎紹先曰即訊不  
可加刑夢龍見諸人惶懼笑曰見無禮於其君者若  
鷹鷂之逐鳥雀即有禍余獨當之乃就坐永嘉復以  
四語約夢龍呼刑具三無應者擊案大呼始具差長  
身駢脅睨視傲語畧無瘋癲狀夢龍呼紙筆命畫所  
從以路永嘉笑曰君亦癲耶乃令癲人畫圖須臾圖

成梅問汝何由識路差言我薊州人非有謀者安得  
入夢龍問謀者為誰乃供二內官且曰彼用金銀壺  
各一篆我三年矣問內官何名士相永嘉急曰彼必  
不識不必問夢龍問使汝何為曰擊小爺小爺者謂  
太子也士相即推坐起曰此不可問矣遂罷訊見問  
達問達將具疏夢龍曰內監有姓無名與昨等爾衆  
皆曰可笑夢龍遂稱病不出問達遣使四五輩召之  
乃往見請再詰內監的名問達曰衆不從君再訊乎  
夢龍曰安有鞠囚止拘四語之理問達愕然問故始  
知之乃從夢龍言命十三司會訊訊時衆始喧雜每

一詰問永嘉輩故蓄龍之或止之輒與之聞然差則  
盡供逆謀及龐保劉成名一無所隱時士相主筆聞  
供二暨名躊躇不敢下郎中馬德澧坐其旁趣之士  
相大怒奮衣起叱供至擊小爺士相又不欲入德澧  
不可獄既具問達命具既永嘉欲去擊小爺三字夢  
龍爭之永嘉曰頃年御史志夔傳言不得入此三字  
誰敢入夢龍拂然曰但道陸員外不肯匿誰敢匿時  
永嘉庇鄭氏尤力每假臺諫勢以挾持同官類如此  
將繕疏士相又欲去二暨名賴夢龍不可乃已當是  
時官路自何士晉刑官自夢龍之案梅德澧外鮮不

納鄭氏賄者微夢龍力持幾不成獄然群小恨之次  
骨志夔道人傳語曰已具稟章矣亟從衆則免夢龍  
曰吾不畏死寧畏彈耶已而之案梅德澧並為群小  
所陷數欲陷夢龍賴問達力左右之於吏部獲免四  
十五年由郎中出為廣西提學僉事歷江西泰議湖  
廣江西副使天啓四年貴州賊未靖總督蔡復一薦  
夢龍知兵改右叅政監軍討賊安邦彥犯晉定夢龍  
偕總兵官黃鉞以三千人赴之偵者言賊大至曉行  
未霧滿山夢龍曰急驅之稍霽賊知虛實矣鉞不應  
夢龍遽引親丁直前薄賊賊奔鉞乃拔營而進大敗

之三山苗叛思州告急夢龍往援問知府胡柵曰若  
設獅子哨去賊巢幾里曰二十里夢龍即夜遣中軍  
吳家相進搗其巢奪苗鼓亂搗聲振山谷苗大奔潰  
焚其巢而還尋改湖廣監軍遷廣東按察使上官建  
魏忠賢祠列夢龍名亟遣使剗去之崇禎元年大計  
忠賢黨猶用事鐫二級調任三年起湖廣副使丁艱  
不赴服闋起故官分廵東兗道盜起曹濮間督兵討  
之陣斬其魁黃五郭金城生擒王好義等餘衆悉降  
遷右叅政分守固原七年夏賊來犯擊却之閏八月  
賊陷隆德殺知縣費彥芳遂圍靜寧州夢龍率遊擊

贊奇勛都司石崇德禦之抵老虎溝賊初不滿千人  
已而大至夢龍所將止三百餘人被圍數重賊矢石  
如雨突圍不得出二將抱夢龍而泣揮之曰何作此  
婦孺態大呼奮手殲數人賊并力合攻與二將俱  
戰死夢龍慷慨好談兵客訪之輒投石起距手舞大  
刀以示勇毅然有廓清群盜志至是戰死聞者莫不  
惜之贈太僕卿

龐瑜字堅白公安人家貧躬耕自給妻日轉水灌田  
執書從牛後朗誦不輟由歲貢生授京山訓導崇禎  
七年擢陝西崇信知縣縣故無城兵荒之餘貧民止

百餘戶瑜知賊必至請平京言於監司陸夢龍以無  
兵辭瑜歸集士民流涕大言誓以身死職閔八月天  
大雨土垣盡圯賊掩至瑜急解印遣家人賁送上官  
而身端坐堂皇以俟賊至粹之下令跪瑜罵曰吾待  
死久矣狗賊奴何敢辱官長賊怒拔刀擬之罵益厲  
賊掠城中無所有執至野外剖心裂屍而去贈固原  
知州是時賊盡趨秦中長吏以失城殉難者更有董  
三謨朱呈璫吉永祚婁琇蒲來舉呂鳴世諸人三謨  
黎平人舉於鄉崇禎中為陝西山陽知縣吏事精敏  
下皆畏服賊猝至陷其城三謨及父嗣成弟三元俱

死之妻李氏亦攜子女偕死贈光祿寺丞立祠與嗣  
成三元並祀妻女建坊旌表呈璫藩府宗室也居長  
治由貢生為秦安知縣縣既貧瘠益以兵荒素乏守  
倚賊至城陷執詣寧羗郭外令賺城呈璫大呼曰我  
為賊所獲若輩須固守我忍辱至此者欲令知我死  
所爾遂大罵呼速殺賊即殺之寧羗迄嚴守不下贈  
光祿少卿永祚輝縣人輸貲入國學為鳳縣主簿七  
年四月己謝事將歸會賊猝至知縣棄城遁乃倡義  
拒守力屈城陷北面再拜曰臣雖小吏嘗食祿於朝  
不敢以謝事逃責見賊大罵死二子士樞亦俱死

教諭李之蔚鄉薦紳魏炳亦不屈死未祚贈漢中衛  
經歷餘贈恤有差琇知涇州以七年閏八月城陷死  
贈太僕少卿來舉知甘泉賊來犯守備孫守法等擁  
兵不救城破來舉手刃一賊傷六賊而後死贈官同  
呈璫鳴世福建人由恩貢生為麟游知縣性介特以  
風教自任地遭兵燹居民寥落拊循甚有恩七年八  
月賊陷其城被執賊未忍加害鳴世發憤絕食六日  
卒有宋緒湯者耀州諸生賊攻城被獲大罵死  
閏生斗字文淵汾西人崇禎中由歲貢生歷保安知  
州性廉介持法嚴吏民畏服七年七月大兵驟臨城

生斗倉猝集吏民嬰城固守竟以力不敵城破被執  
生斗死判官李師聖吏目王本立訓導張文魁亦以  
守城死同時將秉采字衷白全州人舉於鄉為大同  
靈丘知縣律已嚴字民平易有古循吏風是年八月  
靈丘忽被兵上下惶駭秉采慨然曰吾當以死衛吏  
民亟募健兒登陴列守無何力屈衆潰秉采投繯死  
闔門殉之守備于世奇把總陳彥武馬如哥典史張  
標教諭路登甫並赴闕而死事聞贈生斗太僕少卿  
秉采等贈恤如制

尹夢賢雲南太和人萬曆時舉於鄉崇禎中為潁州

知州以廉惠得民八年正月方謁上官於鳳陽聞賊  
大舉來寇立馳還夢鰲以初十日至賊即於此日抵  
城下倉猝募兵未集偕通判趙士寬率吏民登陴固  
守城北有高楼可俯瞰城中諸生劉廷傳謂不伏兵  
此樓則城不可守請先據之夢鰲以為然而廷傳所  
統皆市人不可用賊果據城以攻且鑿城類數丈城  
上人怖懼皆散走夢鰲為長跪求協力共守衆徑去不  
顧夢鰲乃持大刀獨當城類壞處殺賊十餘人身亦  
被數刃俄賊衆畢登遂投城下烏龍潭死弟姪七人  
皆死之廷傳者故布政使九光從子也素任俠好義

亦罵賊死九光子廷石多才智分守西城中賊必未  
絕口授友人方畧令繕牘上之當事旋卒士寃字汝  
良掖縣人由門蔭為鳳陽府通判駐潁州亦以正旦  
詣郡城聞警一日夜馳三百里返州不入署即登城  
與夢鰲同守閱三日城陷猶率家衆巷戰力竭亦投  
烏龍潭死妻李氏攜二女登樓自焚僕王丹亦嘗賊  
死鄉薦紳尚書張鶴鳴弟副使鶴騰子大同中書舍  
人田之頴知縣劉道遠光祿署丞李生白訓導丁嘉  
遇舉人白精忠郭三杰皆死頴有衛隸河南指揮李  
從師王廷俊千戶孫升田三震百戶羅元慶田得民

王之麟俱以乘城戰死賊既陷潁州遂屠其民其別  
部即以是月由壽州犯鳳陽鳳陽故無城中都留守  
朱國相率指揮袁瑞徵呂承庵郭希聖張鵬翼周時  
望李文郁岳光祚千戶陳弘祖陳其忠金龍化等以  
兵三千逆戰於上谿山頗有斬獲俄賊數萬繼至矢  
集如蝟遂敗相國自刎死餘皆陣歿賊遂犯皇陵大  
肆焚掠知府顏容暄囚服匿於獄賊釋因獲之將加  
刃容暄大罵賊怒杖殺之血浸石堦宛如其像潞之  
平滅士民乃取石立塚建祠奉祀推官萬文英方卧  
病賊索之子元亨年十六泣語父曰兒不得復事親

矣出門呼曰若索官何為我即官也賊繫之顧見其  
師萬師尹亦被繫給賊曰若欲得者官爾何繫此賊  
隸賊遂釋之元亨乃極口大罵賊怒斷脰死文英獲  
免容愼漳浦人文英南昌人並起家進士一時同死  
者千戶陳采齡百戶盛可學等四十一人諸生六十  
六人舉人蔣思宸聞變投環死後給事中林正亨錄  
上其狀贈夢鯨光祿少卿士寬光祿丞餘贈恤有差  
韓光祖潁州諸生也賊薄城與子進士獻策助有司  
拒守及城陷賊執光祖脅之跪叱曰吾生平讀書止  
知忠義城亡與亡誓不偷生遂大罵賊怒殺之碎其

妮妻武氏投火死一妹一女並赴井死獻策妻李氏亦赴井死妻李氏方有娠賊剖腹剝胎死次子定策孫日曦身被數槊罵賊死獨獻策獲存同時諸生被難者一百三人有檀之樅者賊入城守母柩不去一賊掠其家之樅提石杵擊之斃他賊復至見其持杵反走之樅追擊之亦斃賊疊至連擊殺數人中刃而仆賊磔殺之其時婦人死節者三十七人烈女八人時稱潁州忠節為獨盛云

盧謙字吉甫廬江人萬曆三十二年進士授永豐知縣課最入為御史嘗巡厥庫按真定督屯田視畿輔

學政資最深以不暑趨時出為江西右叅政引疾歸  
諫為人端介言動不苟崇禎八年二月流賊自巢縣  
犯廬江士民具財幣求免賊偽許之俄襲陷其城謀  
服命服危坐中門賊至欲屈之罵曰吾朝廷憲臣肯  
為賊屈耶畢輩滅亡在即安敢無禮賊怒殺之投屍  
於池池水盡赤舉人張大受畢伊周亦不屈被殺是  
年正月賊陷霍丘縣丞張有俊教諭倪可大訓導何  
炳鄉薦神田既庭戴廷對舉人王毓貞死馬知縣適  
他往其家屬盡死賊別部陷巢縣知縣嚴寯歸安人  
起家乙榜有善政被執不屈一門皆死二月犯太湖

知縣金應元山陰人亦起家乙榜賊至據城東大濠以守奸人某賊渡濠執應元斫之未殊自經死家人皆遇害訓導扈永寧亦死馬謙贈光祿寺卿餘贈恤如制

龔元祥字子禎長洲人舉於鄉崇禎四年為霍山教諭屬廣陽以名教自任與訓導姚允恭同志友善八年寇陷鳳陽遠近震動元祥急偕縣令為守禦備守事粗舉寇掩至令即逸去元祥督率士民脩城固守或勸之曰今已亡君無守土責盍避諸元祥慨然曰食祿而遺其難不忠臨危而棄其城不義吾平日講

說者謂何倘不測惟有死爾及賊陷城元祥整衣冠  
危坐賊至侃侃諭以大義賊不顧欲屈之厲聲曰死  
即死賊狗何敢辱我賊怒執之去元祥罵不絕口遂  
遇害于炳衙奔救號呼罵賊賊又殺之閱五日元恭  
歛其屍即自縊通縣令解免越日賊獲入元恭卒死  
之事聞贈元祥國子助教建祠曰忠孝以其子配元  
恭亦獲旌

王信陝西寧州人性至孝父沒廬墓三年母疾延信  
年已六十戒死後勿廬墓信勉從之居倚廬足不踰  
閭者亦三年崇禎初由歲貢生除靈璧訓導遷真陽

知縣八年二月出撫土寇會流寇猝至被執信謾罵不屈賊擁之使諭降羅山真陽二縣信益罵不從斷頭剖腹而死閱四日其子來覓猶舒指握子手若相訣者贈光祿寺丞建祠奉祀今時史記言字司直當塗人崇禎中由乙榜歷長沙知縣陝州知州陝當賊衝記言出私財募士聘少室二僧為師訓練之賊駐近境以所練士往禦斬數十級生擒二十餘人賊魁老回回憤率數萬人來攻記言憑城拒擊賊不得志而去已所練士上官調赴他郡賊遂以八年十月乘雪夜來襲城即陷記言縱火自焚兩僧掖之出曰死

此何以自明乃越女墻而下賊追獲之令其降叱曰  
有死知州無降知州也遂被殺指揮李君賜聞賊入  
持矛奮鬪斃數賊而死訓導王誠心里居教諭張敏  
行姚良弼指揮楊道泰阮我彊鎮撫陳三元亦不屈死  
是月賊陷盧氏知縣白楹自到十年九月陷澠池知  
縣李邁林死焉事聞贈記言光祿少卿餘贈恤有差  
梁志仁南京人保定侯銘之裔也其先世皆為武職  
至志仁好讀書舉萬曆四十六年鄉試崇禎六年授  
衛陽知縣明年調羅田並有聲時湖廣大被賊患志  
仁修城濬濠日夕儆備賊羅汝才雅聞其名謂左右

曰羅田城小易克然梁君長者吾不忍加兵俟其去  
當取之會邑豪江猶龍與賊通志仁聞捕下獄猶龍  
自以必死知賊別校方攻麻城遣奴潛謀之八年二  
月賊粹至志仁急偕典史單思仁教諭吳鳳來訓導  
盧大受督士民守禦已而城陷志仁猶持長矛巷戰  
殺六賊力屈被繫抑使跪罵曰我天子命官肯屈膝  
賊輩耶速殺我賊怒碎其支體而焚之妻唐氏被逼  
亦大罵曰死賊汝殺我夫我亦當殺汝奪刃不得以  
口嚙賊手遂遇害思仁等亦不屈而死汝才在英山  
聞之馳至羅田斬其別校曰奈何擅害長者以錦繡

欽其夫婦屍鳳來福建人由鄉舉大受寶慶人由貢  
生明年贈志仁新州知州思仁羅田主簿鳳來國子  
助教大受學錄廕子崇葵有差

王國訓字振之解州人天啓二年進士除金鄉知縣  
調壽張再調滋陽以憂去服闋起官武清崇禎四年  
坐大計議調久之補扶風國訓性剛嚴取資緣干進  
故釋褐十餘年不增一秩八年秋群寇來犯國訓督  
勵士民偕主簿夏建忠典史陳紹南教諭張弘綱訓  
導陳鵠膺城固守閱兩月外援不至城竟陷國訓罵  
賊死建忠等亦不屈被殺事聞贈國訓光祿少卿建

恩等皆贈恤當是時大帥曹文詔文萬年等並戰沒  
寇勢益張關中諸州縣無所不殘破以八月陷永壽  
殺知縣蔣匡宇即以是月陷咸陽殺知縣趙躋昌其  
時長吏以死難聞者有隴州知州胡爾純延長知縣  
萬代芳爾純山東人是年寇數萬來攻爾純悉力守  
禦吏目王錫衮潛通賊賊遂入城爾純自經死代芳  
知延長聞寇至與教諭譚恩驛丞羅文魁協力拒守  
已而城陷代芳死之妻劉氏妾梁氏從死恩文魁亦  
殉難爾純贈光祿少卿代芳光祿丞妻妾建坊旌表  
恩等亦賜祭有孫仲嗣者膚施人慷慨好俠烈由貢

生為階州學正流寇充斥當事知其才委以城守寇  
憚之不敢犯後以大衆來攻仲嗣冒鋒鏑盡瘁死守  
力竭城破與妻子十餘人並死之贈國子博士同時  
楊呈秀華陰人由進士歷官順慶知府坐大計罷歸  
寇攻城佐有司捍禦及城陷不屈死贈恤如制

洪雲蒸長沙人萬曆三十八年進士授諸暨知縣大  
計拾遺謫許州判官稍遷梁山知縣又被劾改昌平  
學正累遷戶部郎中廣州知府崇禎初進廣東副使  
移廣西右叅政為上官奏留先是九連山賊陳萬等  
肆亂於汀湘諸郡間為福建叅政曹櫻等所滅銅鼓

渠賊鍾凌秀亦降其餘黨猶出沒為患五年雲蒸偕  
總兵鄧懋官提其巢斬首三千餘級盡毀其營砦而  
還尋遷江西右叅政復調廣東海盜劉香為亂總督  
熊文燦議撫之遣雲蒸及副使康成祖叅將夏之本  
張一傑往諭香留之不遣還八年四月官兵進擊香  
勢窮令雲蒸等出船止兵大呼曰賊已威大兵宜急  
擊勿以我為慮賊遂殺之香亦覆滅永祖等獲脫還  
同時有陳瓚者漳浦人舉天啟五年進士授慈谿知  
縣被劾議調崇禎十年為袁州府推官湖廣臨監巨  
寇竄至有謀者為內應瓚捕斬之懸首城上賊謀沮

猶環城力攻璜拒守半月始解去累遷湖廣右叅議  
分守湖南討平八排賊有功十六年張獻忠陷長沙  
圍叅政周鳳岐於澧州璜督兵往救全軍敗沒賊執  
璜欲降之脅罵不屈斷手剖肝而死鳳岐永康人萬  
曆末舉進士授中書舍人累遷工部郎中掌節慎庫  
奄人索執料價不得落職歸崇禎初起故官出為湖  
廣江防僉事遷四川兵備副使苗人爭界為立碑畫  
疆以定之改湖廣右叅政分守澧州賊來犯援軍敗  
沒城遂陷鳳岐被縛賊帥親解之說以降怒罵而死  
上官蓋字表赤曲沃人崇禎中由乙榜為順義知縣

縣近京師貴豪多置莊田侵編戶蓋守官虞持法不  
撓士民悅服泣政三載薦剡十餘上九年八月大軍  
來攻蓋偕游擊治國器都指揮蘇時雨等憑城拒守  
已而城破蓋自經國器時雨及訓導陳所蘊遇害先  
是七月中敵兵踰天壽山入昌平攝州事保定府通  
判王禹佐與守陵中官王希忠總兵官巢丕昌等分  
璫而守無何降丁二千為內應城遂陷丕昌出降禹  
佐希忠及判官胡惟忠吏目郭永學正解懷亮訓導  
常時光守偕咸貞吉死焉禹佐子亦從父死未幾破  
寶坻知縣趙國陽死之主簿樊樞典史張六師訓導

趙士秀並被殺國器山西樂平人舉鄉試第一登崇  
禎七年進士在官有政聲定興之破教諭灤州熊嘉  
志慷慨盡節其破安肅也知縣臨清鄭延任與妻仝  
殉教諭靈壽耿三麟亦死之事聞贈恤如制

張紹登字振夫南城人崇禎中由乙榜為應城知縣  
縣中多豪僕諸胥徒馬戶排夫悉僕充之有調發則  
其人避去胥有司別僱以充且衙前僱役里正輒取  
之正賦不待批發皆襲為成例紹登至毅然欲更之  
豪戶皆不悅衆議繕城汰之閩邑紹登曰巨家富室  
盡在城中於鄉民何預悉免之九年賊來犯偕訓導

張國勛鄉薦紳饒可久悉力防禦賊引退國勛曰賊不一剗城未易守願率壯士出擊之力戰一日夜頗有斬獲賊乃去邑有侍郎王璵其子權結怨於族黨怨家潛導賊賊遂以十二月來攻或言國勛無守土責盡避之國勛不可佐紹登力守而乞援於上官上官遣副將鄧祖禹將兵來救於是祖禹守西南國勛東北而紹登往來策應會賊射書索權權懼率家衆斷北關以出賊乘間登南城紹登還署端坐堂上見賊來執膏拳擊之賊辟易群賊奔至乃被殺賊渠嘆其忠全以冠帶覆屍埋之堂側國勛黃陂人起家歲

貢生賊既入朝服北面再拜走捧先聖神主立以待賊遂焚文廟投國勛烈燄中祖禹不屈而死可久幼孤事母孝舉於鄉為大興知縣崇禎初疏請更三朝要典時奄黨猶擅權謫光祿典簿遷應天府推官入為刑部主事歷知府丁艱歸至是賊入語妻程氏曰臣死忠婦死節分也於是妻與女相對自經可久被執賊使之拜曰頭可斷膝不可屈也遂遇害城亦為賊走解事聞贈紹登尚寶少卿國勛國子學正平素字澤仲崑山人少孤貧九歲為人後族人有謀其產者素舉以讓之獨迎養嗣祖母及母惟謹萬曆

事舉於鄉後海門教諭丁母艱服闋補儀真擢群州  
知州未任丁祖母艱崇禎九年補隨州州當群盜焚  
掠之餘戶不滿千盡至訓民兵繕守具力為防禦計  
土寇李良喬為亂賊殺之明年正月大寇掩至盡親  
冒矢石且守且戰擊斬三百餘人寇憤攻益力相持二  
十餘日天大風雪守者多散盡知事敗入署整冠帶  
自經寇焚其署獨盡死所火不及其屍植立不仆寇  
望見駭走已薨州印得之盡所立尺土下其精靈不  
與如此贈太常少卿南渡時賜諡烈愍建雙忠祠與  
全忠襄繼德並祀有魏時北者南昌人生優膳畧善

舞雙刃崇禎九年募為廣濟典史時邑遭殘破長吏  
設排兵三百人委時光教練其冬賊據蘇州河口憚  
時光扼險不敢渡時光募死士夜襲其營砲發賊驚  
擾時光手砍殺數人賊不敢逼俄賊衆大至部卒皆  
散時光獨立高坡又破殺數人賊環繞之以馬刺斷  
被執不屈死兄諸生陳於上官却不奏兄憤發病死  
其友收歛之哭之盡哀曰弟為國死兄為弟死吾獨  
不能表暴之乎具牘力陳乃奏聞贈廣濟主簿予恤

典

馬如蛟字騰仲和州人天啓二年進士授浙江山陰

知縣清操矚然所食米皆自其家運致崇禎元年徵  
殺御史劾侍郎徐紹吉御史張納誦附魏忠賢主持  
要典二人遂削籍故事內庭正旦端陽中秋宴會先  
令商人供辦而後給直多至破家天啓時免端陽一  
節猶費三萬二千有奇至是如蛟偕給事中鍾外巡  
視銀庫力陳商困請及時給發從之奏汰內府各監  
局官匠歲省俸康銀二萬八千米一萬餘石明年出  
按四川時安邦彥奢崇明已為四川將士所戡而貴  
州滇之爭功如蛟遂劾按臣蘇琰冒功罪蜀中勢家  
橫恣耗民率以他人田產投獻如蛟列上正名分勵

廣取約宗室十事嚴行永革一方賴之嘗薦方面官  
而所薦有糾察典者為都御史閔洪學所糾命回道  
時嚴嚴薄罰而止四年秋與同官余文燭監武會試  
時舉子董姓者先以技勇聞於帝及入試考官楊世  
芳劉必達以文不中程黜之帝謂有意抑之也主考  
及如蛟文燭並下吏落職歸八年論平邦彥功復故  
官以父憂未赴十二月流賊犯和州如蛟傾貲募士  
與知州黎弘業登陴固守麾壯士出擊兩戰皆捷賊  
將奔會風雪大作不辨人色守者皆潰賊遂入城如  
蛟由事急奚可坐而待斃乎急下令能相從擊賊者

予百金須臾得百餘人鼓勇巷戰賊多傷已而力屈  
遂戰死元運司判官如虬諸生如虹及家屬十四人  
皆死事聞贈太僕少卿官其一子弘業字孟擴順德  
人由舉人授和州知州賊初至禦却之其冬賊復至  
城將陷弘業繫印於肘跪告其母曰不肖此貪微官  
以累母奈何母李氏泣諭曰汝勿以我為意事至此  
有死而已遂自縊妻楊氏妾李氏及女四人繼之弘  
業北面慟哭再拜引刀自刎未殊復蘇濡頸血大書  
曰為臣盡忠為子盡孝大丈夫何惜一死哉俄賊入  
傷數刃而死贈太僕少卿任一子同時判官錢大用

偕妻妾子婦俱死。吏目景一高被創死。學正康正諫  
初門人由舉人入仕。偕妻汪氏子婦章氏赴水死。贈  
國子監丞訓導趙世選亦不屈死。贈國子學錄  
蔣佳徵。灌陽人。天啓四年舉於鄉。崇禎中為盱眙知  
縣。惠困窮。祛風弊。治甚有聲。縣故無城。佳徵知賊必  
至。訓民為兵。以待十年秋。賊果來犯。士民悉奔有勸  
佳徵出避者。持不可。設伏要害。而親率衆往誘賊。至  
伏發。殲殺甚衆。賊怒。環攻之。力戰而死。其母聞之亦  
投繯死。中樞楊嗣昌上言。佳徵身自為將。與守偕高  
養正分營禦賊。衆寡勢懸。身頃殲場。請贈奉訓大夫。

尚寶少卿錫之恤典制曰可未幾巡按御史言淮敵  
為國捐軀子忠母義宜賜諡廕植倫常乃建表忠祠  
并母奉祀同時江北死難者有吳暢春王寅二人暢  
春漢陽人崇禎八年為潛山天堂寨巡檢時賊氛正  
熾暢春為練鄉兵置戎器悉力防禦明年冬賊至夜  
設燎火驚去之又明年春賊再至暢春督衆殊死守  
力屈仰天嘆曰吾得死所矣手刃數賊被執不屈死  
贈功郎安慶府經歷廕其子為所鎮撫寅錢塘人  
諳兵法膂力絕人舉武鄉試以父征播功為千戶崇  
禎中擢撫標守備見部卒脆弱不任戰詫曰曩咸將

軍練浙兵聞天下今若爾耶乃日集督教之卒始可用十年遷龍江都司未上調赴泗州護祖陵賊來犯寅曰賊衆我寡及其未集可破也捲甲疾趨至盱眙斬其先鋒一人戰自午迄申賊衆益衆寅矢盡力窮與守備陳正亨陷陣死贈鎮國將軍都指揮僉事正亨贈昭勇將軍指揮使並官其子

徐尚卿南平人舉於鄉為劍州知州崇禎十年十月大盜李自成惠登相等以數十萬衆由漢中入四川大將侯良柱敗沒於廣元遂以初八日陷昭化知縣王時化死之尚卿知賊必來扼集士民泣語之曰此

城必不能守若輩宜速去吾封疆吏誓死於此衆皆  
泣請偕去尚卿不可閱二日寇果陷其城殺縣死寇  
遂長驅陷江油知縣馬弘潭被執不死後被逮彰明  
安縣羅江德陽漢州吏民皆先遁二十二日掠郫縣  
主簿張應奇死之俄陷金堂典史潘夢科不屈死是  
月也賊陷州縣三十六其死事者止四人事定贈尚  
卿布政司右叅議時化光祿丞應奇按察司知事夢  
科將仕郎并賜恤典時化湖廣人舉鄉試第一  
孫士美青浦人由鄉舉授舒城教諭崇禎八年春群  
盜來犯縣令遁以公事出吏民洶洶無固志士美代

為城守自賊至迄解嚴凡七十餘日城賴以全明年  
擢深州知州州故瘠土鄉兵數百皆市人不習戰士  
美至力為保障計十一年九月

大清兵深入內地以十一月薄深州士美督勵士民  
憑城而守閱三日力不支城破自到於角樓父訥聞  
之亦自縊一家與難者十有三人贈太僕少卿訥亦  
被旌全時以教官死難者有劉廷訓張純儒唐一中  
廷訓順天通州人由歲貢生為吳橋訓導敵兵入畿  
內知縣李綦隆欲遁廷訓邀止之與共守及外圍將  
合綦隆竟竄城走廷訓思奔城上語守者曰守死逃

亦死焉若死於守為忠義鬼乎東波許諾乃堅拒三  
晝夜城外發矢如雨廷訓受傷擗東胸力戰又中六  
矢死踰月其子啓棺更歛而若生而棄城者迄伐法  
純儒新安人焉臨城訓集兵至城下率諸生共守城  
破携二子端坐明倫堂曰此我盡節處也兵入縛之  
樹身被數十刃擲之城外居民扶至學宮乃卒一中  
全州人舉於鄉為鉅鹿教諭城失守抗節死  
白慧元清澗人父崇舜舉於鄉歷知蒲葵陵二州有  
政績慧元第崇禎七年進士授任丘知縣為人邁與  
不羈鋤強祛蠹吏民畏之九年大兵臨城慧元堅守

有功命減俸行取部內有大奄置酒盛陳寶玩供欣  
賞慧元出言戲之奄怒據其賊私及大城涑水清苑  
定興遷安諸縣不法事密聞於帝帝悉命逮治而嚴  
責撫按之失糾者十一年冬慧元未行敵兵已抵城  
下乃佐代者李廣仲共拒守無何廣仲縋城遁慧元  
素善騎射躬擐甲冑與鄉薦紳李楨宇防禦甚力及  
城破被執詢知為慧元曰此昔年拒我趙北口者遂  
見殺并殺其一家事定廣仲弟芳仲來任丘偽以他  
人屍為兄屍拜踊求恤楨宇子士焜時為給事中力  
言其偽乃寢芳仲奏而慧元贈按察使事當是時畿

輔諸郡悉被兵長吏多望風先遁失亡城郭者四十  
有八其以殉難聞者更有慶都黃承宗靈壽馮登鰲  
文安王鑄蠡縣王采新河崔賢鹽山陳誌固城王九  
鼎七人承宗有吏才在官恤民隱抑豪右修黻序繕  
城隍庠政具舉以城破死難登鰲膺施人起家乙榜  
其從父大緯為蠡縣訓導亦死馬鑄武功人亦起家  
乙榜死文安城上采澤州人起家進士賢代州人起  
家乙榜誌知鹽山以敵退死倚俄敵人假援軍突入  
遂自經九鼎守固城外援不至戰死城上他若青縣  
張文煥興濟錢珍慶雲陳絨並以城破遇害而贊皇

劉貴栢鄉劉詮高邑翟運晉寧晉胡應瑞無極趙之  
昂隆平徐完一南和王際亨吳橋李基隆鷄澤李時  
俊皆坐棄城致大辟而元氏劉業燦以獻幣迎降身  
磔妻子為奴父母兄弟流二千里承宗等並獲贈恤  
喬若受臨城人萬曆四十七年進士授中書舍人遷  
禮部主事崇禎元年春廷臣爭擊魏忠賢黨人若受  
亦兩疏劾兵部侍郎秦士文御史張訥智鉉偁列其  
傾邪狀尋言故輔魏廣微罪惡滔天致先帝冒桓靈  
之名忠賢肆乎常侍之毒而其徒陳九疇張訥智鉉  
為之鷹犬鼎鑊善類故廣微之罪不下忠賢九疇等

之罪不減彪虎乞死者削其官階生者投之荒裔帝  
責其誅毀先帝而九疇等下所司行遣二年遷吏部  
稽勲主事累遷考功員外郎明年冬出為兗州知府  
若雯不悅時帝欲重部守選命與監司並稱方面以  
隆其體若雯因投揭嘗遂謂郡守之體與方面懸殊  
今以銓曹特擢若與循常遷調者全類而觀則等威  
詘禮貌輕抑掄者將司為創轉之別名請集諸司協  
議俾得比於監司以信方面之明旨不聽若雯既之  
官剔除積弊豪猾斂手聽斷明決興學育才賑荒恤  
旱並有實績久之以疾歸士民遮道泣送十一年冬

臨城執守若燹端坐按劍以待兵入遂遇害贈太常少卿全時里居死難者有李禎宇魏克家李崇德董祚禎守任丘人萬曆三十八年進士授洪洞知縣累遷職方郎中歷山西按察使罷歸是年十月任丘被圍佐知縣白慧元拒守及城破率家衆格鬪身中數櫓而死一門從死者數人克家高陽人崇德青縣人祚隆平人皆舉鄉試克家為鄒平知縣有善政崇德歷戶部員外郎祚未仕並以城破殉難贈恤有差高重光字秀恒保定人由貢生為栢鄉訓導歲凶饑民為盜有司倉皇莫措重光有倉頭勇敢善戰率之

出擊賊大敗城獲全當事薦於朝擢丘縣知縣崇禎  
十一年冬大軍入山東縣被兵吏民欲負之逃重光  
不可抱印赴井死其時州縣失亡者一十有六縣令  
殉難者臨邑則宋希堯博平則張列宿茌平則黃建  
極武城則李承芳皆蒙贈恤而尹亮知高唐敵至不  
能守以所寄餉銀十萬為獻求免攻事覺論死他失  
城者亦論死其家居被難者有李應薦及劉化光父  
子應薦恩縣人舉進士歷官御史以附魏忠賢罷名  
遂案至是捐貲募士佐有司力守及城破身被數刃  
殉死化光歷城人與子漢儀先後舉於鄉化光銓授

推官未調遷遇變父子俱以守城力戰死贈恤有差  
張秉文字舍之桐城人泰政淳之孫也舉萬曆三十  
八年進士授歸安知縣調徽州教授累遷戶部郎中  
撫州知府江西副使以疾歸起官湖廣改福建右叅  
政與平海寇李魁奇崇禎中歷廣東按察使右布政  
使調山東為左秉文居官歲所在稱職十一年冬  
大清兵旬幾轄南下樞部楊嗣昌檄山東巡撫顏繼  
祖移師德州於是濟南空虛止鄉兵五百東州援兵  
七百勢弱不足守巡按御史宋學朱方行部章立聞  
警馳還與秉文及副使用之訓翁鴻業叅議鄧謙豐

運使唐世熊等議守城而連章告急於朝樞部無以  
應督師中官高起潛擁重兵臨清莫肯分助而大將  
祖寬倪寵等又觀望不進未幾敵騎臨城學朱等分  
門死守晝夜不解甲外圍益急援兵竟不至明年正  
月二日城遂破秉文偕其妻方氏妾李氏投水死之  
訓讓世熊及濟南知府苟好善同知陳虞孚通判熊  
烈獻歷城知縣韓承宣死焉德王由樞被執之訓黃  
岡人由進士歷戶部主事福建提學副使天啟五年  
舉治行卓異遷陝西驛傳叅政浙江按察使坐前誤  
給部符鐫秩歸起濟南兵備副使撫按合疏薦其廉

能未遽擢而遭難望闕再拜與妻劉氏偕死闔門殉  
之譏孝感人舉進士授大理評事歷山東督糧叅議  
至是戰於城頭與季父有積偕死母莫氏匿民間不  
食死族戚保從死者四十餘人世熊灌陽人舉於鄉  
授富川教諭累官永平知府有能聲來為鹽運使分  
守西門遇害好善禮泉人舉進士歷知長治蘭陽二  
縣擢南京御史出知濟南烈獻黃陂人起家貢生與  
二子俱死永宣蒲州人大學士璜之孫由進士出仕  
其妻妾全死秉文贈太常卿之訓譏光祿卿承宣光  
祿少卿皆建特祠餘贈恤如制學朱長洲人由進士

授南京戶部主事丁外艱服闋留補禮部改御史出  
按山東甫半歲遂被難後廷中議恤典學朱以不得  
屍疑未實獨格不予其子訴於朝不聽南渡時子再  
訴乃贈大理卿鴻業及推官陸燦不知所終贈恤  
亦不及有劉大年者江西廣昌人父仲歷官雲南布  
政使有聲績大年登崇禎十年進士除兵部主事奉  
使南京還朝道歷城值城破抗節死贈光祿少卿